


# 野史纂略

四下

			二七四一六	和書門
七一	九〇	冊架函	號	類



庫文閣内				
二九〇函	二七四一六	七冊	和書	類

内閣文庫	
番號	和 27416
冊數	7 ( 6 )
函號	150 45



明治十二年購求

十年春正月二十五日 將軍臨護持院。二月三日  
臨出羽守柳澤保明第十一日徙封對馬守阿部正  
邦於下野守津宮伊賀守松平忠德於但馬出石大  
膳大夫奧平昌成於丹後宮津十三日臨右京大夫  
松平輝真第。閏月七日令諸藩改訂境內地圖上之。  
三月五日臨因幡守本莊宗資第十一日臨柳澤保  
明第。夏四月十一日臨紀伊第。封其二子內藏頭賴  
職主稅頭賴方為列侯。食邑各三萬石。十八日先是  
將軍養鷹司關白房輔孫女八重姬為女。是日許適  
水戶世子。晦行納幣禮。列侯已上獻物。十九日以京



師所司代佐渡守小笠原長重為老中。徙封之武藏。岩付增一萬石。紀伊守松平信茲為所司代。先是所司相代。獄囚無輕重皆斬。長重深以為非。乃留重囚。放輕囚而還。六月十日徙封出雲守。又世重之於參河吉田。大和守井上正峯於丹波龜山。出雲守金森頼時於美濃郡上。十三日掃部頭井伊直該為大老。秋七月二十六日增柳澤保明封二萬石。賜麾下士五百苞以上米邑。初吟味從萩原重秀建議曰。麾下士食廩祿者。漕輓之費皆出於幕府。不如賜采地於近國。令其自收租稅。則上下兩便。將軍許之。於是

諸藩封地在近國者皆收之。祖宗時遠國諸藩皆賜別邑於江戶旁近以供芻牧。至是皆收之。其地雜租亦皆充秩祿之數。議已定。重秀呈數目於老中。戶田忠昌忠昌覽之曰。食廩祿者遭凶饑而不困。此國家之仁也。今夫諸侯之國縱有水旱之患。未必遍於闔境。故得畜養士馬。麾下士一賜采邑。其日或遭凶歉。不獲粒粟。所恃僅有雜租。而雜租亦以充祿數。則地愈縮小。何以養士馬。外託優恤。而內實朘削之。非所以待士也。且居顯職者給以膏壤。居賤職者給以醜地。尤非所以恤下也。宜再議之。於是麾下士既

失廩祿。又不得速受邑。人人大困。是後。幕府之地。在近國者。亦皆給麾下士。遠國漕船往往阻風不至。幕府始買米。府下米價日貴。時人莫不惡重秀。重秀揚揚自得媚附權貴。無所不至。本莊宗資米地。在上野。既給麾下士。重秀更授善地於宗資。租入頗過舊。宗資不受曰。吾無功而為列侯。奈何貪善地。八月二日。先是美作守森長成卒。無子。遺言請讓國叔父衆利。將軍召之國。衆利途發狂。將軍聞之。怒曰。彼欲讓國病夫乎。是日遂沒津山十八萬六千石。以祖長繼尚存。特封之。備中西江原。賜二萬石。長繼

時年八十八。十四日。中務大輔有馬賴元。隸卒坐殺。尖處斬。二十五日。臨護持院。二十七日。臨護國寺。是月行新金。九月十二日。臨柳澤保明。第十五日。徙封中務少輔。松平信通於出羽上山。冬十月二日。始令釀酒者出課。二十五日。臨本莊宗資。十一月十一日。召三藩親講經。十二日。臨甲斐中納言。第十四日。臨柳澤保明。第二十六日。又臨保明。十二月十二日。又臨焉。是月。江戶大火。初僧天海欲營中堂及文珠樓於寬永寺。以擬比叡山。未果而沒。是歲。寬永寺住持公辦法親王。請繼其志。將軍許之。命柳澤保

明統其事。薩摩守嶋津綱貴輸材木。

十一年春正月十四日封侍從松平矩榮於美作津山。賜十萬石。矩榮大和守直矩第三子。前越後侍從綱國養為嗣。二月老中大久保忠朝罷。夏五月十四日左兵衛督梶定良卒於日光。年八十七。葬大猷公塋域之後。成其志也。先是水戶中納言感定良忠純。書問不絕。聞其愛馬欲遺之。良馬適訃至。中納言悼惜。送馬佛寺作文祭之。其略曰。曾聞孝子廬親墓者。未覩忠臣廬君墓者。乃今於居士乎見之。六月十三日將軍女適水戶世子。秋七月二十一日出羽

守柳澤保明任左近衛權少將。是後班若中上勢傾內外。執政備員而已。九月三日寬永寺中堂文珠樓二王門成毀。門外商家以為大達命設法會。將軍臨焉。賜僧徒銀凡二萬五千兩。主殿頭石川義孝帥衆守寺門。士女鬪咽。俄而衆流言。婦女有禁一如此。叡山於是士女駭亂。互相蹈藉。有死傷者。義孝不能禁。將軍譴之。屏居六日。天皇親書琉璃殿三字賜之。從將軍請也。將軍命揭之中堂觀者雲集。會南風揚沙。數竒屋街失火。煙塵蔽天。東踰兩國橋至本莊。南至八町溝。北延燒湯嶋。淺草至千住。寬

永寺坊舍蕩盡唯中堂文珠樓僅完。明歷已後所未  
有此時人謂之中堂之火。是日町奉行伊豆守松前  
喜廣馳過江戶橋。有一卒急持其鐙欲擠之水。喜廣  
摔其頭呼從者縛之。明日謂卒曰汝蓋有怨於我。然  
我之決事初無偏私。豈復畏汝汝他日再狙擊我。乃  
釋之。江戶大賈紀伊國屋文左衛門請有司統管寬  
永寺土木受直凡五十萬金。由此富冠一時。驕僭無  
比。一日詣評定所。有所陳請。松前喜廣叱曰。商賈有  
所請當就吏白之。安得自請。汝非不之知。縱恣乃爾。  
命幽之。其家遂衰。十五日伊丹左京勝守發狂自殺。

沒食邑一萬石。冬十月七日江戶又火。將及本城。衆  
登殿屋。屋皆銅瓦。衆苦其滑。將軍命取梯一千聯  
繫布之屋上。衆踐之得無顛墜。火亦滅。十六日加賀  
守大久保忠朝致仕。子忠增嗣。聽忠朝乘輿入城。是  
歲柳澤保明家臣細川知慎謂保明曰。昔朝廷之  
衰。海內大亂。累聖山陵率皆蕪沒。或失其地。或  
為農夫所發掘。識者深悲之。今海內無事。主君何不  
白。幕府脩山陵保明然之。乃請之。將軍將軍許  
之。遣使搜其塋域。新設周垣。耕牧者不得侵。其廢毀  
不可識者。訪之父老。考之史傳。必取其有證左者。然

野史集 卷四 一七一  
後因其故丘修築之。歲餘畢功。保明把握權柄。聘招一時名士。知慎及菽生茂卿最著。知慎字公謹。稱次郎大夫。其先參河人。知慎從林信篤學。博綜衆藝。最工書。為人慷慨有氣節。保明聘為鐵砲頭。一日近鄰失火。銃卒爭來知慎家。家惟有一函。重不可舉。衆以為財貨。毀其函盡銃丸也。茂卿稱總右衛門。其先參河人。父方菴以醫事。嚴有公。及將軍受封館林。命方菴事之。方菴辭不往。將軍惡之。既襲閩職。遂逐方菴。茂卿從父社上總。後遇赦還江戶。閉門讀書。適有鬻書一庫者。直六十金。茂卿傾產買之。晝夜苦

學。竟以文辭聞。京師人伊藤維貞排擊宋儒。立一家說。自號古學。茂卿慕之。用力經義。欲陵駕維貞。儒者門戶之爭始此。

十二年春正月十一日。增丹後守米倉昌尹封五千石。二月四日。徙封板倉熊之介。重高於備中庭瀨。夏六月五日。尾張中納言堯年四十八。號泰心院。世子吉通嗣。秋七月十二日。若年寄米倉昌尹卒。子昌明嗣。二十八日。信濃守稻垣重富為若年寄。八月十五日。諸國大風。屋舍多倒。時頻歲凶。歉人民大困。將軍多造舍於本莊。養流民。是月。因幡守本莊宗資卒。

里史 卷四 七二  
子資俊嗣。九月十日老中戶田忠昌卒年六十八。子能登守忠真嗣。先是忠真為奏者兼寺社奉行別賜第宅。食一萬石。父子貴顯。時人榮之。柳澤保明民與鄰境爭地。保明民不直。忠真欲決訟。以保明權寵無比。恐禍及父。密謂曰。兒欲決訟。不出於正。則不忠。欲出於正。則恐不利大人。如何。忠昌曰。處公事者。唯當持正。即父子取禍。亦所甘心。若懼禍。我剖決不正。不孝。孰甚焉。忠真大悅。一日。將軍臨保明第。聽訟。忠真判決。曲直無所回避。保明失色。一坐駭慄。忠真尋辭職。云。忠昌前後增封至七萬一千石。及卒。傳佐倉。

六萬七千八百五十石。於忠真割三千一百五十石。授次子忠章。二十六日。美作守伊達村和蒙譴屏居。兄綱村請而幽之國。將軍還其邑於綱村。初。村和遇小姓岡八郎。兵衛於塗岡。誤觸其前驅。前驅欲撻之。岡挺刀禦之。衆奪其刀。村和飛轎而還。衆棄岡去。岡提槍追尾。至其第。請決鬪。村和報之。目付遣人擁岡而還。令村和推驗從者。村和乃斬三人。遂失邑。云。冬十月六日。大和守井上正岑為若年寄。十二月朔。紀伊參議任權中納言。是歲。但馬守秋元喬知為老中。



十三年春正月十一日徙封下總守松平忠雅於備  
後福山伊豆守堀田正虎於出羽山形二月二十一  
日將軍謁聖廟二十二日臨出羽守柳澤保明第  
二十五日臨右京大夫松平輝貞第三月二日大老  
井伊直該罷七日增但馬守秋元喬知一萬石二十  
五日徙封攝津守松平義行於美濃高須秋九月三  
日奉祭田三千八百餘石於日光六日臨柳澤保明  
第十日迎嵯峨清涼寺佛像於二九拜之二十一日  
臨護持院二十五日臨水戶邸賜播磨守松平頼隆  
大學頭松平頼貞食邑各一萬石還舊邑於水戶冬

十月三日臨護國寺七日以河內通法寺屬護持院  
大和室生寺屬護國寺皆賜寺田奉祭田三十石於  
河內壺井八幡宮十六日尾張前大納言薨年七十  
六號瑞龍院十一月二日臨松平輝貞第二十一日  
親講易卒業前後凡八年始竣十二月朔封小姓豐  
前守黑田直邦為列侯賜一萬石直邦本姓中山氏  
小田原勇將家範玄孫也為外祖黑田直相所養近  
侍將軍將軍愛其謹慎命娶柳澤保明女居第亦  
相接將軍臨保明第往往過直邦直邦好讀書與  
萩生茂卿等善頗獲時譽六日水戶中納言薨年七

十三謚曰義公。中納言名重天下。外蕃來長崎。必問其安否。明遣民湯來賀嘗為之壽序。張斐嘗為之頌。二十七日召武田信玄裔孫織部。賜五百石。是歲增長崎奉行為四員。二員赴任。二員留江戶。令紅毛船限四五艘通商。十四年春正月十一日。丹後守稻葉正通為老中。二月九日將軍臨出羽守柳澤保明第。十一日聽右京大夫佐竹義處。割二萬石封弟壹岐守義知。一萬石封從子式部義都。十三日臨右京大夫松平輝貞。第三月五日掃部頭井伊直該致仕。子直道襲封。十

四日延。詔使於城中。俄而內匠頭淺野長矩與上野介吉良義央私鬪傷之。即日賜長矩死。沒赤穗五萬石。先是。詔使至江戶。將軍命長矩及左京亮伊達宗春掌館待事。義央以高家預焉。長矩以不習舊儀。固辭執政。曰。上州老鍊君。宜就問焉。何以辭為。義央以耆宿居諸高家之上。每。詔使至。必接待。由此意甚驕傲。共事者欲問舊儀。皆行賄賂。長矩還家。召老臣安井彥右衛門藤井。又左衛門曰。吾將就吉良氏。諮訪。宜贈遺之。安井藤井素鄙吝。對曰。此高家之職也。不必遽贈遺。長矩乃就義央。問舊儀。義央指

授甚踈長矩啣之。是日長矩等會城中議事。問義央曰：詔使至吾等迎之階下邪？義央曰：此等淺近事君尚不知而今迫期急議。無乃為衆笑耶？會大人使者梶川與三兵衛至。謂長矩曰：禮畢告僕。長矩曰：諾。義央從旁謂梶川曰：君所議何事？僕當與聞焉。不然恐失便宜。長矩色動而起。義央言於列曰：彼不知典故何以接大賓。長矩不勝忿怒。挺刀擊之中頭流血。義央眩惑以手擁面而俯。長矩再擊中背。梶川抱持長矩乘扶義央避去。將軍聞之大怒。命錮長矩於右京大夫田村建顯邸。以白書院血汗更見。詔使

於黑書院。禮畢。將軍召老中相摸守土屋政直曰：天威咫尺人臣最當戒懼。長矩乃率意鬪。狼喋血城中。速賜死。政直曰：誅長矩而宥義央。恐招異日之變。將軍不納。遂賜死。十五日命淡路守脇坂安照肥後守木下利康收赤穂城邑。十八日臨紀伊郎二十六日上野介吉良義央罷。將軍以義央無罪。命待劔。愈視事。時人以義央前倨而後怯也。嘲笑不已。彈正大弼上杉綱憲為義央謝病。請免許之。先是長矩計至赤穂。老臣大石良雄、大野九郎兵衛會群臣於城中。來會者三百人。良雄曰：主辱臣死。此誠吾輩死節。

之秋也。然死固非難而處死實難。諸君欲以何死哉。衆皆曰：枕此城以死耳，亦何議。良雄曰：諸君言固然，但人臣之義猶有可自効於國家者，當盡力焉耳。今社稷雖亡，有介弟大學君，可以奉先祀。吾等宜以死請。幕府為先君立後，而幕府不聽，則有一死耳。九郎兵衛執異議，良雄以大義爭之。九郎兵衛不從。良雄乃與原元辰等定計。元辰叱九郎兵衛曰：危急之際，何暇緩議。子不宜在此座。九郎兵衛懼而起。良雄乃遣多川九左衛門、月岡治右衛門於江戶，就受城使哀訴，復會衆議守城。會者僅五十五人。良雄曰：

衆離叛如此，將何以守城。不如待公使至，以此意自陳。然後相與自殺城上，以明殉國。衆然之，乃刺血盟誓。夏四月四日，赤穗使者至江戶。脇坂安照等既發，乃與安井彦右衛門、藤井又左衛門謀，詣長矩外親采女正戶田氏，定致良雄言。氏定曰：此大不可。若達幕府，自大學以下重得罪。是群臣欲忠而反不忠於國也。乃作答書令二人還報。長矩弟大學長廣亦使二人諭良雄去城。二人還報。良雄密謂同盟曰：事既至此，吾等死於城，非徒無益，適足累大學君。吾當去城耳。乃定復讐之謀。初，良雄為長矩所疎，於事鮮預。

人皆斥為癡。至是舉國繹騷。文書堆案。處之有方。扶  
然不奈。衆人歎服。十八日。安照等至赤穗。良雄輸城  
而去。二十二日。臨出羽守柳澤保明第。五月六日。臨  
右京大夫松平輝貞第。二十五日。聽水戶參議以境  
內墾田七萬石加原封。六月十四日。徙封丹後守稻  
葉正通於下總佐倉。能登守戶田忠真於越後高田。  
秋九月二十五日。臨護持院。冬十月九日。臨出羽守  
柳澤保明第。十一月三日。臨右京  
大夫松平輝貞第。二十六日。臨柳澤保明第。賜名吉  
保。授松平氏轉美濃守。子安暉亦賜名吉里。十二月

三日。臨柳澤吉保第。十九日。臨松平輝貞第。是冬。關  
東饑道。瑾相望。十五年春二月五日。將軍臨美濃守柳澤吉保第。  
十一日。四谷火。延燒品川麻布別館。二十一日。聞關  
東多窮民。命老中丹後守稻葉正通。議賑濟策。二十  
二日。臨右京大夫松平輝貞第。三月九日。大夫人叙  
從一位。二十一日。謁聖廟。二十二日。臨柳澤吉保第。  
二十七日。臨護國寺。夏四月二十六日。臨加賀守前  
田綱紀第。六月二十二日。和泉守丹羽好音坐失衆。  
沒美濃岩村二萬石。更給一萬石。家臣四人處斬。秋

七月四日徙封山城守內藤政森於上野安中。伊豫守板倉重形於陸奧。泉十八日命安藝守淺野綱長。錮淺野長廣於安藝。二十日以前出雲守本多正利。虐使迎侍。命監物水野忠之錮之。先是左衛門尉酒井忠直受命錮政利。是日蒙譴屏居。八月十四日。以品川別館罹災廢之。罷奉行。二十一日。佐渡守松平忠允坐喪心。沒伊勢長嶋一萬石。給五千石於長子。又四郎一千石於次子。造酒。先是忠允幽。老臣朱雀某等二人。其後一老臣請曰。今日祖宗遠。忌願宥朱雀等。忠允怒曰。汝敢為此言。吾賜汝死。老臣還家。

自殺。其二子悲憤皆自殺。朱雀某等聞之曰。彼為我死。吾不忍偷生。亦皆自殺。忠允遂坐失國。閏月十五日。增町奉行一員為三員。十六日。命出雲守久世重之守荒井關。罷荒井奉行。二十一日。臨小石川別館。九月朔。徙封兵部少輔增山利順於伊勢長嶋。大和守井上止岑於常陸下館。伊賀守永井尚敬於播磨赤穗。七日。徙封下野守青山忠重於丹波龜山。能登守石川乘紀於參河荊谷。對馬守稻垣重富於上總。大多喜。十二日。臨安藝守本莊宗俊第。是日。徙封宗俊於遠江濱松。周防守牧野康重於信濃小諸。二年。

里地... 卷四  
一日臨柳澤吉保第二十五日臨護持院二十八日  
徒封井上正岑於常陸笠間。稻垣重富於下野烏山  
以下館大多喜封地狹隘也。冬十月十三日馬醫橋  
本權之助坐殺犬賜死。十四日臨護國寺。十六日令  
曰。數下教令禁殺生。欲令人人存仁愛之心。然猶有  
如橋本者。自今已後上下貴賤宜體吾意。二十二日  
臨松平輝貞。十一月二十六日令肥後守松平正  
容。兵部大輔松平昌親改家號用葵章。二十八日省  
奈良奉行駿河町奉行為一員。大坂町奉行為兩員。  
十二月二日令曰。種煙草於良田已有禁令。而近來

犯法滋甚。自今已後減種煙之地。以裁嘉穀。違令者  
處重科。五日臨柳澤吉保。十一日臨松平輝貞。第  
十五日淺野長矩遺臣大石良雄等四十七人殺前  
上野介吉良義央。復讐。先是將軍錮長廣於安藝  
良雄等決意復讐。率同盟至江戶。義央方避仇上杉  
氏第。良雄等憂之。議曰。除夜彼必還家。吾當襲之。已  
而義央欲設茗宴於家。以十四日還。良雄謀知之。乘  
曉襲擊。遂獲義央。而衆無識者。乃驗其尸。肩有刀痕  
衆喜曰。此非先君之所手擊耶。良雄命馘之。赴泉岳  
寺。祭長矩墓。遣寺坂信行於安藝。報捷長廣。令吉田

野史纂略 卷四 四十一

兼亮富森止因詣大目付仙石久尚首實久尚登城  
白將軍老中阿部正武謂衆曰今世有節義之士  
如此豈非盛事邪是日分拘良雄等四十六人於越  
中守細川綱利隱岐守松平定直甲斐守毛利綱元  
監物水野忠之四家於是良雄及吉田兼亮原元辰  
片岡高房間瀨正明小野寺秀和間光延近松行重  
早水滿堯赤植重賢矢田助武大石信清礪貝正久  
堀部金丸富森正因潮田高教奧田重盛之細川氏  
大石良金堀部武庸中村正辰管谷政利不破正種  
千馬光忠木村貞行岡野包秀貝賀友信大高忠雄

之松平氏岡嶋常樹吉田兼貞武林隆重倉橋武幸  
村松秀直杉野治房勝田武堯前原宗房間光風小  
野寺秀富之毛利氏間光興與田行高間瀨正辰矢  
頭教兼茅野常成神崎則休村松高直橫川宗利三  
村包常之水野氏二十二日徙封甲斐守板倉重寬  
於陸奥福嶋

十六年春正月九日徙封豐前守黑田直邦於常陸  
下館隱岐守水野勝長於下總結城十一日徙封伯  
耆守本多正永於上野沼田二月三日讓吉良義央  
子義固不死父難沒食邑命安藝守諏訪忠虎錮之



毀其第為棄地。賜大石。良雄等四十六人死。流其子弟於伊豆大嶋。先是將軍議良雄等罪。大學頭林信篤議曰。良雄等報仇天下之大義也。且其舉動詳慎。莫非所以敬上。若罪其擅用兵器而誅之。將何以獎勵人臣。執政然之。議曰。寬文中與平源八率衆報讐。宥而不誅。宜準據此例。然衆議未決。萩生茂卿聞之。謂柳澤吉保曰。聞林氏請宥良雄等。其論固善。然未達時宜。今宥良雄等。上杉綱憲欲廢之。淺野吉長欲救之。兩家構難。事將不測。是宥四十餘人而招天下之禍也。不如殺之。吉保然之。議乃決。將軍猶欲

宥之一日。謂公辦法。親王曰。赤穗諸士忠烈無比。殺之可惜。不殺則廢法。將奈之何。法親王不對而退。謂左右曰。將軍之意。蓋欲使吾救諸士也。然吾以為此輩不死。不足以成萬世之名。所以不救也。是日遂賜死。衆咸遺言葬長矩墓側。四家皆如其言。賻送甚厚。府下聞之。往弔祭者如市。十日徒封。彈止忠松平正久於上總。大多喜。十三日臨美濃守柳澤吉保第。十五日遣若年寄稻垣重富。大目付安藤重玄。勘定奉行萩原重秀。目付石尾織部巡察京師大坂長崎。二十二日臨右京大夫松平輝貞第。二十五日臨前

備後守牧野成真第。三月十日臨護國寺。夏四月二十  
十六日謁聖廟。六月二十五日擢大學頭林信篤門  
人得力十之亟。秋山半藏津田右內為儒臣。秋八月  
二十一日彈正大弼上杉綱憲致仕。子吉憲襲封。二  
十五日陸奧守伊達綱村致仕。子吉村襲封。九月十  
一日臨護國寺。增寺田五百石。二十五日臨護持院。  
二十六日臨柳澤吉保第。冬十月十四日臨松平輝  
貞第十一月十八日四谷火。延燒至芝海濱。二十三  
日地大震。廬舍頽毀。壓死無算。大城石壁多壞。築地  
地裂。水涌。安房上總下總伊豆相模海溢。民家漂沒。

死者甚衆。是後地日震。日或數十次。半歲而止。二  
十七日令諸國大社大寺禳災。二十八日命大膳大  
夫毛利吉廣大學頭藤堂高睦飛彈守立花宗政等  
修大城。二十九日小石川火。延燒至本莊深川。兩國  
橋焚。溺死數百。所在焚死三千餘人。

寶永元年春二月十三日令諸國省冗費。禁奢靡。三  
月二十二日命兵部大輔松平昌親大和守伊東祐  
實伊勢守黑田長清攝津守鍋嶋直之等修大城石  
壁。昌親訪柳澤吉保。將所有諮稟。時吉保勢傾內外。  
與馬填門。常使家臣待客。昌親值吉保不在。欲見其

家宰平岡守右衛門。平岡辭以公事方劇。明日昌親  
又往欲見平岡。平岡又辭。昌親大怒曰。吾所以來者  
公事也。非私也。而平岡再辭。侮慢甚矣。吾待濃州還。  
獲彼而甘心焉。乃遣人報其第。老臣帥步騎千餘來  
圍吉保第。同族諸侯皆發衆助之。邸中震怖。吉保子  
吉里見昌親謝之不聽。吉保聞之大驚。與雅樂頭酒  
井忠舉右京大夫松平輝貞相摸守土屋政直夜潛  
還家。入自後門。命平岡急裝還國。乃與忠舉等見昌  
親謝曰。君欲誅平岡固當。然僕將誅之國既已發遣  
敢謝。一坐皆救解之。昌親意解而還。先是吉保最寵

平岡使之謁將軍。平岡恃勢驕縱侮弄諸侯。諸侯  
不敢違忤。贈遺相屬。至是聞者稱快。夏四月十二日  
紀伊夫人鶴姬薨。五月二十八日徙封式部大輔。榊  
原政邦於播磨姬路。本多吉十郎忠孝於越後村上。  
二十九日命勒負佐酒井忠。因能登守內藤義孝。周  
防守松平康豐等修石壁。秋九月十七日老中豐後  
守阿部正武卒。子正喬嗣。正武在職二十四年。以才  
幹稱。十九日薩摩守嶋津綱貴卒。子吉貴嗣。天和中  
江戶屢火。命薩摩防火。綱貴方為世孫。祖光久在國  
綱貴乃以嶋津中務為將。分三千人為十二隊。裝飾

華麗。晝夜鳴鼓巡警。其豪氣如此。嘗夙登城。近午將軍未出見。綱貴見執政曰。將軍未受謁。得非憚煩乎。請辭。執政曰。近日將軍見諸侯。比昔少晚。而君早登城。宜其以為淹也。雖然。君但須焉。將軍今出受謁。綱貴曰。僕等法留府下期年。今日不得見。猶有他日。不可以僕等故煩。將軍遂起將出。執政固留之。乃復坐。執政以告。將軍遂出見諸侯。聞者歎曰。以將軍之威嚴。而諸侯猶有崛彊如此者矣。二十七日。若年寄伯耆守本多正永為老中。冬十月朔。寺社奉行伊賀守永井尚敬為若年寄。二十七日兵

部大輔松平昌親賜名吉品。子昌方吉邦。十一月二十五日。臨護持院。先是昌平坂聖廟罹災。命再營之。至是成。十二月五日。養甲斐中納言為世子。入居西城。更名家宣。先是若年寄加藤明英獻西城圖。明日立為世子。世子曰明英。諂媚失大臣體。遂疏之。二十一日。徙封美濃守柳澤吉保於甲斐。食十五萬石。二十十五日。徙封但馬守秋元喬朝於武藏河越。二年春二月五日。將軍臨美濃守柳澤吉保第。十七日。廢甲斐谷村城。三月五日。將軍叙正二位。任右大臣。世子叙從二位。任權大納言。九日。饗天

聖典集略 卷四  
使於城中。十二日以柳澤吉保為甲斐國主。二十五日謁聖廟。二十七日臨右京大夫松平輝貞第。夏四月三日。世子臨小石川別館。二十三日徙封紀伊守內藤一信於駿河田中。太田熊次郎資重於陸奥棚倉。二十七日。世子臨小石川別館。晦。世子建根津祠於下谷第址。初甲斐參議有過。其臣根津某苦諫不納。憂憤而死。參議憫其忠。為之立祠。歲時祀之。至是。世子請新之。將軍許之。命有司營廟宇。弘敞壯麗。擬山王祠。閏月二日。增上寺火。二十五日。世子臨濱別館。將軍謂好遊諸侯第宅。而世子不

過臨別館。將軍謂之曰。何不擇勝地造新館。世子請造之海濱。將軍命諸侯助役。及成亭閣華潔。臨眺甚美。每夏月。擇府下童男女端麗者三百人。召之園中。著鮮衣。挿袂。其費不貲。五月十四日。紀伊中納言薨。年四十一。號高林院。弟左近衛權少將賴職嗣。六月十七日。尾張美濃大水。二十二日。大夫人木莊氏薨。秋八月二日。令曰。諸藩鹵簿。宜遵舊制。禁萬石以下用篋箱。三千石以下用兩夾箱。二十七日。佐渡守小笠原長重為西城老中。增一萬石。九月八日。紀伊少將卒。年二十六。號深覺院。弟主稅頭賴方嗣。

賜名吉宗。二十一日勅贈甲斐參議權中納言。是日加賀守大久保忠增若年寄河內守井上正岑為老中。寺社奉行讚岐守久世重之為若年寄。二十四日臨護持院。二十六日臨柳澤吉保第。二十七日申禁畜鳥獸。冬十月四日賜中興小姓本莊宗長食邑二萬石。以大夫人遺命也。五日改葬甲斐贈中納言於增上寺。晦徙封備前守牧野成春於參河吉田。大和守久世重之於下總關宿。十二月二日臨右京大夫松平輝貞第。晦臨護國寺。十二月三日先是遠江懸川城主井伊直朝坐喪心。沒食邑三萬五千石。是日

命以同族直矩為嗣。賜越後與板二萬石。四日臨柳澤吉保第六日臨松平輝貞第十八日又臨吉保第。三年春正月九日封下總守越智清武。越前守間部詮房為列侯。清武世子弟冒越智氏食四萬石。是日賜一萬石。詮房世子寵臣為側衆食三千石。是日賜一萬石。班若年寄下。二十八日徙封伊賀守松平忠榮於信濃植田。越前守仙石政明於但馬出石。伊豆守永井尚敬於信濃飯山。遠江守松平忠喬於遠江懸川。和泉守森長直於播磨赤穂。二月六日臨美濃守柳澤吉保第九日臨右京大夫松平輝貞第。

十一日 世子臨吉保第。三月二十五日 世子臨濱別館。五月七日土佐侍從山内豊房卒。弟豊長嗣豊房仁厚留意民政。又嘗慨神祠衰替。著土佐式社考云。八日聽三藩鹵簿。用一薙刀四鐵槍一傘一笠。謂之七器。秋八月二十五日賜祭田五百石於根津祠。九月三日臨柳澤吉保第。十一日 世子臨濱別館。是月紀伊大水。冬十月五日 世子臨柳澤吉保第。十五日伊豆守永井尚敬為西城若年。寄十一月二十三日禁與力步士以下服熨斗目。及七夕八朔服白帷子。二十六日紀伊中將任參議。十二月三日

根津祠成。七日 世子拜根津祠。過柳澤吉保第。十一日臨吉保第。是歲廢參河岡崎橋。初 東照宮授一萬石於岡崎城主。以為脩橋之資。至是柳澤吉保請而毀橋。削城主水野忠之一萬石。

四年春正月十一日徙封下總守越智清武於上野館林。賜松平氏食三萬四千石。十五日濱町火延及本莊。二月六日臨美濃守柳澤吉保第。九日 世子臨吉保第。二十五日 世子始謁聖廟。三月九日臨右京大夫松平輝貞第。十日始置駿河破損奉行。二十七日 世子臨濱別館。夏四月十八日 世子臨

濱別館。二十一日。世子臨小石川別館。秋七月十一日。世孫家千代生。是日聽雅樂頭酒井忠舉以墾田二萬石充封邑之數。為十五萬石。八月二日老中稻葉正通罷。二十一日正通致仕。子長門守止知襲封。二十九日以讚岐旁近三嶋屬高松。九月二十一日臨護持院。二十八日。世孫天。冬十月四日伊勢近江美濃尾張駿河遠江參河地大震。遠江海溢。没荒井關。六日遣若年寄稻垣重富巡視。久能山十二日遣目付二人巡視諸國。十三日令曰。諸藩藏古金銀以資武備者。宜出以易新金。若有用楮鈔者。自

今已後禁之。二十八日以參河田原城壞。命城主三宅康雄還國。是日周防長門地大震。十一月二十三日雷雨沙晝暗如夜。二十四日雷。二十五日雷夜雨沙。二十六日雷雨沙。駿河言富士山焚。鳴動如雷。人始知非雷。是日遣使檢察參河駿河。駿河砂石沒地幾五尺。是後連夜雨沙。將軍召僧徒問曰。天雨沙吉凶如何。傳通院僧祐天曰。沙在地者也。今從天而降。不可謂順。禽獸待人而生者也。將軍以禽獸殺人。此亦不可謂順。將軍不懌。明日召祐天曰。汝言甚直。賜物賞之。十二月朔命左衛門尉酒井忠直伊



豆守真田信房等出役夫開驛路九日雪富士山火始滅其旁一峯涌出時人呼曰寶永山是日命伊豆守松平信高越中守松平定重脩駿河城十八日紀伊參議任權中納言是歲柳澤吉保建議罷駿河城番以諸侯三人為加番書院番在城中者五十人悉還江戶括城中犬二千餘頭致之江戶五年春閏正月三日令曰去歲雨沙之變遠近被害而武藏相模駿河尤甚田園廢為不毛者宜給地於佗處七日令諸國每百石出金二兩大興役以除灰沙九日命伊豫守松平綱政右近將監小笠原忠雄

等鑿開相模川流壅塞者二十八日行常十大錢文曰寶永通寶二月三日臨美濃守柳澤吉保第十三日臨右京大夫松平輝貞第十八日世子臨吉保第二十一日臨伊賀守松平忠榮第三月八日京師火。 皇宮罹災延燒一萬三百餘家焦土皆生白毛長四五寸十六日遣使獻黃金五千枚及御衣御屏夏六月九日命出羽守松平清武城館林賜金五十兩初將軍封館林及入襲闖職城廢至是再城焉是日聽小笠原信辰城越前勝山二十一日賜鎧一百領弓五十張鞍五十具鳥銃一百門槍一百枝於

聖訓卷之四  
松平清武。秋九月十八日。世子臨濱別館。二十六日。臨護持院。冬十月五日。臨柳澤吉保。第十一日。世子臨吉保。第二十五日。臨護國寺。十一月十八日。將軍養女松姬。適若狹守前山吉治。時鳥獸之禁。益嚴。士大夫皆騎髦馬。已而人不敢騎。皆使從者牽之。六年春正月朔。將軍不豫。世子受者。侯賀是後。每夜有群狐。呼躍殿側。將軍屢命近臣蒙皋比驅逐。十日。將軍薨。年六十四。是日。美濃守柳澤吉保請曰。臣受 故將軍殊顧。宜以身殉。而國有大禁。請披剃以報之。嗣君曰。卿言是也。然 祖宗已來未

聞執政而披剃者。卿安得廢 祖宗之法。當待葬事畢。致仕披剃耳。於是吉保不得不乞骸骨。聞者服其善。馭權臣十七日。嗣君下令。停大錢。二十日。除殺生之禁。府下莫不感悅。將軍嘗謂 嗣君及吉保等曰。吾百歲之後。慎勿廢殺生之禁。至是 嗣君以為自殺生之禁行。獲罪者不知其幾。近日死於獄中者。凡八。此禁不除。天下無蘇息之日矣。乃召吉保諭之。吉保曰。斯公慮及此。乃所以深愛 故將軍也。嗣君拜柩。告曰。殺生之禁。在家宣一身。則永奉遺令。至於令天下。則不能無扞格。請為萬民除之。乃召衆

下令云。二十八日葬將軍於寬永寺。二月九日大夫人藤原氏薨。十六日詔使至江戶。贈故將軍正一位太政大臣。號常憲院。是日監物織田秀親來女正前田利昌至寬永寺。接伴詔使。俄而利昌以私怨殺秀親。嗣君命主殿頭石川義孝拘利昌。十八日賜利昌死。還食邑一萬石於其兄利直。令秀親弟成純襲封。三月蠲釀酒者出課。夏四月六日封越前守松平信清為列侯。賜一萬石。五月朔。嗣君叙正二位任內大臣。拜征夷大將軍。六月二日美濃守柳澤吉保致仕。薙髮號保山。秋七月三日。公子鍋松

生所生勝田氏。二十九日諸侯已下借。幕府金銀者萬石已上輸三之一。其餘悉賜之。九月十三日越後村上城主本多忠孝沒。以幼無嗣當國除將軍。憫名族絕祀。削十萬石。賜五萬石於同族忠良為嗣。

男 延年校

野史纂略卷四終



